

الحمير قادمون

تأليف : احمد ابو سمرة

التقديم

قد يخيل للبعض أن الأمر لا يخرج عن دائرة المزاح ، أو ضرب من الفانتازيا واللا معقول ، ولكن الحمير يحكمون المدينة هي فكرة جادة طرحها المبدع والمثقف مصطفى حنفى فى إحدى سهراتنا معا فى رمضان وعندما فكرت فى هذه الفكرة الرائعة فإذا بى أنحرف بها الى القول بأن الحمير قادمون حتى نترك للعنان والرؤى التى تتلقى هذه الفكرة أن تشاركنا الخيال وتمزح أو تبكى فكلاهما أمر أصبح متساوياً لأنهم قد وصلوا منذ زمن بعيد و تحولت الأنسانية فى نظرهم الى نعال يطأونها كيفما شئوا وأصبح فى نظرهم أهل الفكر لعنة هذه الحياة وهذا الظرف التاريخي .

المؤلف

أحمد أبو سمرة

مدخل

لو طارت الشمس و سافرت بجناحين
و إحتلت النجمة المدى
مين اللى حاسس بالحياة لما أنظفت منها المشاعر
الحكم فات الشقلبه و الدحلبه فى المستحيل المستمال
فى نواحي ملهاش فى السليم
ونايمه فى أحضان الغبا
أحلام كثير مش قدها يا أبن الطريق
جمع غناوى اللى سبق وكل النبق
و أصبح طليق من بعد ضيق
خُذ من موانع حقدهم ألف إنطلاق
و عيد فى تشكيل الندى
أفتح فى حبات السكات و أغرز فى حرف
تطرح أراضى من الأمل ميت مكلمه
متفتحة فى ضى النهار
و أنت اللى سابق يا ولا
من عند فجرك يا حياة .

المؤلف

أحمد أبو سمرة

الشخصيات

الرواه	رجل و أمراه
طفطف	الحاكم وهو فى سن كبير بين الخمسين و الستين متسلط يرغب فى منافقة البعض له و قد حكم فى غفله من الزمن المستشار الخاص للحاكم تجاوز عمره ٨٠ سنه ويشعر بأنه فى عز الشباب ولا يعترف بسن ويميل الى المغالاه فى الأمر حتى فى فسادة .
عرعر	شاهيندر التجار مستغل لكافة الظروف مزواج فى سن الخمسسين .
هرهر	قائد حرس الحاكم دموى ، مرتشى ضعيف أمام زوجته أمرأة متحرره لا تحترم زوجها سنكر
سنكر	بيطار من أهل المدينة .. مثقف طموح مضطهد يرغب فى الحياة الأنسانية له و لأهل المدينة .
سكر هانم	فتاة من أهل المدينة ابنة عبد الوارث تحب دكر ذات جمال زوجة طفطف التى وقفت الى جواره وغدر بها عندما حكم دايه المدينة التى تقوم بدور العسس للحاكم
داكر	خادمة فى بيت سكر هانم
فجر	صاحب وكالة الحمير التى يتجمع فيها كافة حمير ضواحي المدينة
بربره	حمّاراً فى الوكالة ووالد فجر
أم خليل	
أم رتيب	
فلحس	
عبد الوارث	
فؤاد	

حمار (١) ، حمار (٢) ، حمار (٣)
مجموعة من الشعب الصامتون الذين يهتفون عند الضرورة وحسب
الحالة العامة .
مدبولى | أحد الرجال العاملين فى قاعة الحكم وكان صديقا لطفطف

المشهد الأول

بيدأ العرض بسامر ينتمى الى إحدى مدن الزمن الغابر حيث الأغاني و الموسيقى الشعبية و

الملابس فى اللمعقول و مجموعة تتراقص فى وسطهم مغنى .

سندر كرون	عرعر	عارون	المغنى
طفطف	دا	حاكمنا	الكبير
فلحس	وبيربى	الحمير	
سكر	كارون	هرهر	هارون
و	القاعدة	قاعدة	حيزبون
و	الحلوة	تقرب	و النبى
و	السمره	دى	تشرب حمص سحلبى
أما	البياض	من	غير رشاد
ماشى	فى	حلقة	كوز غويط
راكب	وتحتيه	الغبيط	
وبشى	نمد	لحد	فوق
وبيس	نلبس	فى	الخازوق
و	الدنيا	بتفتح	شقوق
كرباج	أنهق	مش	سعيد
زمارة	بتخليني	أزيط	
و	أعيش	عبيط	و أبلع محيط
سندر	كرون ،	عرعر	عارون
طفطف	دا	حاكمنا	الكبير
فلحس	و بيربى	الحمير	
أمسك	فى	عقلى	أحسن يطير
أحسن	يطير	فى	البنزير
ولا	عند	الباشا	كلام وحديث
ولا	قلبك	كان	زعلان يا حمار
الكلمة	الغالية	فى	تراسينه وتتنور دار
و	السكة	الضلمه	واخدها هزار
سندر	كارون	فين	حيزابون
قول	الزبون	و	الداية نار
بتخش	تكشف	فى	الحلل
و	تغطى	قادره	بالفلوس
شوفت	النفوس	و	الحنتابوس
و	الحنتابيس	مشنوق	يا عم بعود سريس
قصتنا	مش	حبة	دراويش
ولا	حتى	بريش	
قصتنا	طايره	على	الموجه
حاكم	وشاويش		
وتروح	بقشيش		
			الراوى
			الراوية
			الراوى
			الراوية
			الراوى
			الراوية
			الراوى
			الراوية
			الراوى
			الراوية
			الراوى
			الراوية

الكرسى يا ساده بقاله مقاس
دا ماهوش واسع ولا حتى كبير
ولا ديق نتحط فى حيره قلب التليس
عبيه الوسواس
وبطانة سوء بتشاور دايماً بوجودها
أو حتى بوجود التفليس قصدى الحاكم
قاعد ع البحر ومطمئن لرضا السلطان
وكان ياما كان وكان يا ماكان

الراوية
الراوى
الراوية
الراوى
الراوية
الراوى
الراوية
الراوى

" يبدأ الممثلون يجهزون قاعة الحاكم حيث كرسى الحكم و بعض الكراسي المتفرقة وفى خلفية الكرسي ميزان العدل غير مستوى "

(داخل القاعة) شهلى يا بربره سيدنا الحاكم صحى م النوم
صحى من النوم ، أنت أتهدلت يا مدبولى فى دماغك .. ولا
عرعر حاله فقام مفزوع .. قال صحى قال أما غريبه .
صح يابت يا بربره تلاقى عرعر جاله فعلا صوته جاى
سابقه " يدخل عرعر فى ملابس خرافية يتحرك وكأنه
السلحفاه "

مدبولى
بربره
مدبولى

(ينادى) يا مدبولى ... القاعة ليه مش نظيفة ومش متعطره
فين البخور يا مدبولى .

عرعر

مين اللى قال يا عرعر العراعر ، تلاقى أنف جنابك
متصاب بالزكام الريحه مالمية القاعة حتى أسأل مدبولى .
آه القاعة نظيفة ومعطرة هو أنت مش شامم ولا إيه .. البيت
بربره لساها عملاها حتى بُص (يقترب منها و يشمها)
إف ريحتها ننته مالمية القاعة .

بربره
مدبولى

(يتحرك فى إتجاه كرسى الحكم) يبقى أنا فعلا مزكوم
النهارده .

عرعر

هو أنت بتشم أصلا أنا مش عارفه طفطف أفندى بيعملك
حساب على إيه ... دا أنت عره و عشروميت عره كمان
و إن كان عاجبك .

بربره

(منشغل الكرسي) بتقولى حاجة يا بربره
أبدا بتقولك إن طفطف بك لسه ما صحيش من النوم
ما أنا عارف .. إيه المشكله يعنى " يتجه الى مدبولى "
على ما يصحى اشوف أمور المدينة الناس أحوالها أتغيرت
يا مدبولى

عرعر
مدبولى
عرعر

أتغيرت يا خرابى و أتغيرت أزاى يعنى ؟
(يتجه اليه) الحاجة أم ريال بقت بريالين ، السحتوت
ماعدش له قيمة تصور يا مدبولى أن الواحد مش واخذ باله
" يضع يده على كتفه "

مدبولى
عرعر

" تلطم و تتمايل " بيعملوها و يخيّلوا .. بيعملوها و يخيّلوا
نزلت أمبارح السوق أشتري رطن زبده وكام كيلو كذب

بربره
عرعر

عارف دفعت كام ؟	مدبولى
كام ؟؟؟ (يفتح فمه فاغرا لفترة)	عرعر
خمسين ريال مسكوفى	مدبولى
خمسين ريال مسكوفى	عرعر
الناس بقى عندها جشع ما فيش رحمه	مدبولى
صحيح الناس حكايتها حكاية أنا مش عارف ايه .	عرعر
أنا لازم أحاسب شاهيندر التجار هرهر الكلب	بربره
(ترقص) ألهى و أنت جاهى تتضرب فى بطنك يا أُس	
البلا اللى نازل على الناس أخيرا عرفت إن الغلا و الكوى	
هارى ابدان العباد .	
(ينظر الى بربره) إنتى بتقولى حاجة يا بربره	عرعر
آه بأقول وهاقول وهاقول ... وهاقول حد شريكى	بربره
(يساندها) لأ يا سى عرعر هى مابتقولش حاجة هى قصدها	مدبولى
(يقاطعه) قصدها إيه ؟ إنت جابوك محامى تدافع عنها	عرعر
و تقول اللى تقصده .	
ماهو يا سى عرعر	مدبولى
عرعر إيه وهباب إيه يا شيخ يعنى عارف اللى جواها	عرعر
آه	مدبولى
ليه ؟ بتقرأ الكف ولا بتشوف المندل	عرعر
عشرة العمر كله المر و الحلو خلانى حفظتها	مدبولى
(يتجه إليها فى حالة إستفزازية و كأنه يرغب فى المشاجره	عرعر
معها) فى إيه يا بربره فيه إيه .. إنتى قارشه ملحتى ليه هو	
أنا باكل وامسح فى راسك ولا قتلتك قتيل يعنى ما تقولى	
" يظهر عليه التعب "	
فيه إنك صعبت عليّ و قلبى أقطع علشانك ياسى عرعر بك	بربره
أصل القواديس فى مكنة الطحين بتجيب من تحت لفوق .	
(فى نفسه) قادوس يلهفك	مدبولى
أما فى السوق فالفقير الى زيك و زىيّ بيكلم نفسه الأجره قليله	بربره
و العيشة غالية .	
آه مش انت بتقبض ١٠٠٠٠٠ ريال	مدبولى
آه	عرعر
و أنا بأقبض ألف سحتوت	بربره
آه	عرعر
و أنت ببخشلك دخل مخفى	مدبولى
لأ رزق مخفى	عرعر
رشوه و عموله و مكافئات من طفطف بك ومن التجار و من	بربره
النجار و اللى عايز يتعين و اللى عايز يودى حد فى داهية	
هو أنت مخلقى طالع منشار ونازل منشار .	
آه م القر يا عالم	عرعر
قر إيه .. هو أنت بيجوق فيك قر دا العيشه غالية عليك	بربره
ورخيصة ع اللى زينا	

عرعر مدبولى	أنتى بتتكلمى مضبوط و أول مرة تقولى الحقيقة إيه هى الحقيقة ياسى عرعر " يدخل طفطف فى زى مزركش بجميع كافة عصور الدنيا القديمة و الحديثة يجرى عليه مدبولى و هو يرفع ذيل الزى و بربره فى يدها عطر ترشه عليه "
طفطف	حقيقة إيه اللى بتتكلموا عنها يا حوش يا دون " يوجه حديثه الى عرعر " انت من أمتى بتتكلم فى شئون المدينة مع حد غيرى
عرعر طفطف	الصفح و الغفران يا حاكم بالعدل و الأمان ، دول كلمتين كانم زانقين على مراوحى أتبحجت بيهم مع الرعاع دول خلاص مفيش صبر لحد ما أصحى ولا بتحاول تدى إنطباع إن عرعر مستشارى الخصوصى بيستمد مشورته من راي الرعاع .
عرعر بربره	العفو يا جناب الحاكم .. أنا أصلى .. أنا أصلى .. (تدخل فى الحوار) أصله راح فى السوق من وراك و أشتري حاجات و الله أعلم باللى هو مخبيه (تشير بيدها) قد كده على قلبه
مدبولى بربره	و بيقول إن السلع غليت فى السوق و إن جنابك اللى مخلى التجار يغلوا الأسعار يا طفطف بيه . و بيقول إنه أتمشى فى وسط الناس وحس إن الناس هتطق من جنابها .
مدبولى عرعر بربره	لا شغل ولا فلوس و كمان غلا و كوى أنا قلت كده يا أولاد ال.... (نقاطعه) يا أولاد إيه ؟ قول إيه ؟ أستم و أحنا نقول على كل حاجة .
طفطف مدبولى بربره مدبولى بربره مدبولى	إنتم مخبين عليه حاجات كمان (ينادى) يا سيف ألقى يا بربره دى فيها سيف أول مرة يعملها ويقل بأصله أنا هأقول كل حاجة قول يا مدبولى قول يا أخويا لأحسن السياف ما بيرحمش خد ألف ريال من تاجر الكزب و خمسين ريال من تاجر السمنه .. لأ لا من تاجر الزبده و بيقول إنه دفع خمسين ريال مسكوفى مش كده يا بربره .
بربره	آه و النبي يا جناب الحاكم ربنا يعلى كعابك و يهد أصحابك و يقص ريش عرعر يا قادر يا كريم
طفطف أم خليل	بس خلاص أنا هشوف شغلى معاك يا مرتشى " يتجه بحديثه الى بربره " بربره فين أم خليل الداية ، مظهرتش النهارده يعنى " تدخل " موجوده يا جناب الحاكم جايبه حكاوى البيوت اللى أتولد و اللى هيتولد و اللى بيموت .. عبّده فى سلطانك و باعيش على خيرك يا حاكم بالعدل و أوى الندل و فايت .. " يقاطعها " أخبار الداكر إيه ؟ أنطقى قولى دا عندى أهم من

اللى أتولد و اللى مات و اللى بتسميها دا كلام فارغ دا ولد
 خطير وله تأثير قوى أنطقى ..
 قُطعت سيرته .. أحواله متغيره واقع فى شرك الحب مع
 بنت صغيره جمال إيه و حلاوة إيه .
 (بلهفة) إسمها إيه ، وبنت مين .. و ساكنه فين ؟
 فجر ... إسمها فجر النهار بنت عبد الوارث الحمار
 مين عبد الوارث دا يا وليه ؟
 صاحب وكالة الحمير اللى فى الناحية الشرقيه
 و إيه اللى جمع الشامى على المغربي
 أصل الدكانة بتاعة داکر قدام الوكالة .
 دكان ... دكانة إيه ؟
 ما أنت عارف جنبك إنه بيطار بيداوى أى حمار
 أى حمار ؟
 أى حمار .. و البيت جنب الوكالة
 " فى نفسه " يا خسيسه يا جبانة بتتقلّى أخبارنا وتكشفى
 أسرار الناس يومك مش فايت .
 (ينادى لمدبولى) مدبولى يا مدبولى
 (يدخل) أأمر يا جناب الحاكم
 (لأم خليل) روحى أنتى يا أم خليل وما تنسّيش بكره فى
 نفس الميعاد
 خدامتك وتحت أمرك ... بالأذن يا جناب الحاكم
 روح على سنكر هاته لو نايـم فى حضن مراته .. و إن كان
 مشغول خليه يسـيب اللى فى ايده و يكون هنا حالا
 أمرك مُجاب (يهم بالخروج)
 " يستكمل حديثه " و تقوله يجيب الداكر و فجر بنت الحمار
 ما على الرسول الا البلاغ .. أمرك يا سيدنا الحاكم " يخرج "
 (يضحك) إيه الحكاية يا سى عرعر يا مرتشى
 بأقولك إيه ما تسوقش فيها عيب إختشى المولد إنفض رسمت
 دورى على الخدامين أنما أنت اللى واخذ كل المال .
 جميل فعلا إنك رسمت الدور كده و كنت رائع يا منيل وشك
 أحمر وزررت كنت هتخليـني أفطس م الضحك
 ياريت كنت أرتحت منك ومشيت من المدينة دى
 إنت إظهار إـتجننت
 ليه
 هتروح فين دا أنا مصطادك و أنت بتسرق جوه مدينة وقاتل
 أورطه .
 دا كان زمان
 عايز تهرب ليه يا حرامي
 طهقت يا أخى .. إنت ليه مستغرب إن هأمشى لما تموت
 أرحل غور بس كفاية يابوز الأخص عارفك نحس لما تقر
 وتفتى فى حاجة يبقى أجـلها .
 لأ راح تفضل فيها وتخلل

أم خليل

طفطف

أم خليل

طفطف

أم خليل

طفطف

أم خليل

طفطف

أم خليل

طفطف

أم خليل

مدبولى

طفطف

مدبولى

طفطف

أم خليل

طفطف

مدبولى

طفطف

مدبولى

طفطف

عرعر

طفطف

عرعر

طفطف

عرر

طفطف

عرعر

طفطف

عرعر

طفطف

عرعر

أنت الأول انت الأكبر	طفطف
" ينادى " سنكر قائد الحرس وجاب معاه فجر النهار و عريسها داکر و أبوها عبد الوارث الحمار .	مدبولى
" يدخل سنكر فى زى عسكرى نتحقق فيه كل دلالات القهر فى كافة العصور التاريخية "	سنكر
السمع و الطاعة لحاكم الجماعة و معنى البراعة وراسم الطريق وراعي الحفلات الخيرية و فاتح الصناديق المستخبية قائدنا العظيم .	طفطف
أهلا يا سنكر أرى الحال	سنكر
كل الرعية فى أحسن حال و الأمن ساكن ع الآخر	طفطف
جيب المملوب	سنكر
معاييا بره فى إنتظار الأوامر	طفطف
دخلهم يا مدبولى	سنكر
" يدخل الثلاثة و يقومون بالأنحناء و رفع الأيادى لأعلى "	طفطف
دول الرعاع اللى أتمسكوا	سنكر
أنت الداكر	طفطف
أيوه الداكر .. لساك فاكر	داكر
فاكرايه ؟ أنت عارفنى	طفطف
و أنت عارفنى الله يرحم	داكر
(بأنفعال) إنت فى حضرة حاكم دار يرحم مين ؟	طفطف
حاكم دار .. موت يا حمار	داكر
إيه شغلانتك	طفطف
بيطار	داكر
بتعالج بس الحمار	طفطف
إيه العيبه شغله شريفه تأكل عيش .. شغله و فيها العلم أساس	داكر
مجدع فعلا عمره ما خلا حمار يتوجع .. قلبه حنين على	عبد
مخاليقه .. ربنا يفتح زيه عليك .	الوارث
أميين	داكر وفجر
إخص عليك و لسانك أعمى أنا بوجودى بأحكم أهلك	طفطف
العفو يا بك .. والدى ما يقصدش إهانتك	فجر
أمال يقصد إيه يا صبيه ؟	سنكر
يقصد إن العدل يطولك تبقى رحيم بالنبي آدميين تشعر بيهم	فجر
و باحساسهم دا الغلا نازل فيهم كوى	طفطف
ما شاء الله .. ماشاء الله علمتها هى كمان تتطق يا داكر	داكر
العلم واجب ع الجميع مش بس طفل ولا صبى .. العلم بينور	
قلوب و بيهدى عاصى .	
عاصى دا مين أنت أتتهلت	عرعر
لما الهبل يجى للشباب اللى فى سنك يعمل إيه ؟	داكر
شوف الأدب .. العلم برضه فيه كده	عرعر
أنت اللى داخل فى الكلام من غير إحم	فجر
شاطر يوبخ سيده يتهمه قال أنه عاصى بتل على من الذنوب	عرعر
و أنه قال هيتوبه .	

شايب و عايب من زمان ولا عمر قلبك ينفتح بعد ما مات
وسط الخراب فى ليل السكك (بأنفعال) أفهم بقى عصيانه دا
مردود إليه لما بيظلم فى العباد و الرب قادر يسخطه و أنت
اللى زيك جنب منه للهلاك
هو بيفتح طاقة نور للى يعوزها
أما الى رافض هو حر فى آخرته مع ربنا
" بسخرية " غنوة جميلة برافو برافو (يصفق على يده)
دايره بتقفل روحها عليكم أنت مكانك حبس الدار
إيه هيفيدك ؟
أكتم أنفاسكم يا رعا طول العمر
أنت بتعمل كده ليه فينا ؟ .. إن فكرنا نكون لك صوتك أهو
بتقهرنا.. و إن حبيننا ننور عينك بتضلما .. و إن دورنا على
شوف ليننا ليه بتعمينا ؟
(يضحك بسخرية) فجرك نور ووردك فتح محتاج للقطف
أنتى جميله بس قلبك خايف على داکر .. و أنا قررت تروحي
لهرهر .. هو بس قادر على مهرک أما القیحه العره المنظر
(يلتفت الى سنكر فى غضب) سنكر حط الذاکر قلب الحبس
أوعاه يظهر كسر عقله و خرم عينه و أقفل ودنه (فى
هيستریا) طول ما عقول مشغوله بجوعها تخمد تخمد أما
الراحة و حياة كريمة أعانى لوحدى من تدبيرها نفذ سنكر .
(فى حركة عسكرية) أمر جنابك راح يتنفذ منى و أكثر
و أنت يا عبد الوارث روح مص شفایفك م الغیظ أفتس ولا
أقولك عیش و حسابی معاك بعدین (يعود للكرسى) أمر
ولازم يتنفذ غلو العلف التبن يا عرعر أمنع عنه حمير الدایره
ووكالته عليه تنكسر أمر يا عرعر أنت وهرهر (إظلام)

داكر

فجر

عبد الوارث

طفطف

داكر

طفطف

فجر

طفطف

سنكر

طفطف

﴿أغنية نهاية المشهد الأول﴾

**غلو العلف التبن يا عرعر
شد فى حيلك ياله أتشطر
اسرق عفش الرز وبيعه
أحرق فينا قوم و أتمنظر
هى سفينه هتغرق بينا
ولا جنينه بسيفك تشطر
طول ما حمير الدنيا فى نومه
أنت بتكبر ... أنت بتكب**

"تدخل سكر وهي في حالة سكر وعربده وفي زى خليم"

سكر	مين اللي قادر على سحرى يا مدينة ورجالتك طرايبش قالوا الداكر راجل وأنا لازم أشوف الداكر إيه شكله أم رتيب تعالى هنا " تصرخ " أم رتيب تعالى
أم رتيب سكر	" تدخل في حالة زعر و هلع " نعم يا هانم .. أناخدامتك " تضحك " ماتخافيش تعالى أحكى لى عن الداكر أنتى تعرفيه .. قولى و أنا هأديكى ريال دهب .
أم رتيب سكر	" فى نفس الحالة " مسجون فى سجن الدار يجي حالا .. روحى قولى للبغل سنكر .. سكر عاوزة الداكر هى بتأمرك يا بغل يا خرسييس .
أم رتيب سكر	" تهاودها " حاضر .. حاضر .. حالا .. حالا .. ((تخرج)) " تتخيل قطعة أثاث و تحدثها " أنت داکر حبيبي هو سنكر حطك فى السجن علشان هو مش راجل هو مش يقدر يلمسنى هو جبان
سنكر	" يدخل غاضبا " فيه إيه سكر عايزه إيه ؟
سكر	عايزه داکر .. أنا عايزاه
سنكر	أنتى عايزة تعزلىني من وظيفتى
سكر	لا ماحدش هيعرف غيرك أنت و أم رتيب ساعة واحدة بس و بعددين يرجع السجن تانى .
سنكر	" يتوسل اليها " ساعة بس أرجوكى هى ساعة بس
سكر	" بابتسامة المنتصره " ساعة بس مش أكثر روح هاتو
سنكر	" بذل وخضوع " حاضر هانم حاضر هانم
سكر	" بضحكة هستيرية " أم رتيب تعالى حطى عطور كتير الداكر جاى ولازم أبقي فى عينه أجمل من فجر
أم رتيب	" فى نفسها " شئ مش ممكن .. أتفضل العطر الغالى للهانم (صوت من الخارج ينادى) الداكر للهانم سكر
حارس سكر	(بفرح لأم رتيب) روحى قابليه على ما اتزوق
أم رتيب	عمر أصول الود ما قالت إن الخدم همه اللي يستقبلوا المحبوب
سكر	(بتردد) صح كلامك مزبوط أنا راح أجيبه
أم رتيب	أتفضلى و أنا وراكى جنب الباب لو عوزتيني نادى عليه ..
سكر	" تخرج سكر و خلفها أم رتيب ثم تعود و خلفها داکر "
سكر	القصر نور أتفضل "نحاول أن تتمالك نفسها من حالة السكر "
الداكر	إنت الداكر .. سبحان الخالق طول و عرض و هيئة جميلة
سكر	أمريني يا سكر هانم
سكر	إيه رأيك فيه ؟ جميله هه هه (لا يرد) قوامى أتخلق علشانك ، قلبى أنت اللي ساكن فيه ، عمرى ومالى وكل سنيني بس تاخذنى بين إيديك
داكر	" لا يرد و ينظر لها فى ألم و أمتعاض "

و البرسيم الأخضر كمان هيغلوه .	عبد
ماعدش فيه خير خلاص الحمار قلب على صاحبه (يجلس)	الوارث
بقى يا فؤاد الحمار قلبك وطفش بطلوا ده و أسمعوا ده .	فلحس
انت مش فاكِر يا عبد الوارث يوم الواد زعزع منازل	عبد الوارث
ضرب فى الحمار و الحمار ساكت ساكت ساكت	فلحس
أيوه أفكرت و أحنا نقوله يا زعزع حرام	عبد الوارث
وزعزع زى ما يكون شيطان راكبه وعمال يزود فى	فلحس
الضرب .	عبد الوارث
قعد كثير يجى ساعة وهو عمال يضرب و الحمار راح مندار	فلحس
ورافسه برجليه فاتح بطنه وقعد ينهق نحوش الحمار عنه .	عبد الوارث
مش قادرين يومها موته م الغيظ موته	فلحس
حتى أنت اتعورت يا معلم فلحس من يومها	عبد الوارث
" ممسكا ذراعة الأيسر وفى حالة تذكر " من يومها و أنا	فلحس
بأحسس ع الحمار من دول و أسايسه شوفت بعيني ماعدش	
قالى	
ياراجل يا كداب أنت أمبارح مش ضاربني بالفرقلة على	حمار (٣)
ظهري أما كنت واقف قدام الوكالة باعمل زى الناس .	فلحس
معلش حَقك عليه (يطبطب عليه)	حمار (٢)
ولا حق ولا حاجة بس لازم تعرف إن الحمار من حقة ياكل	
و يشرب و يتجوز و يعمل زى الناس و فى أى حته	عبد
بلاش أنت يا نورى .. أسكت أنا حافظك يا سُهن يا أبو ميت	الوارث
وش	حمار (٢)
أنا برضه يا حمار الغبرة يا ضلالى	عبد
أيوه أنت مش فاكِر أيَاك أما وقعت حمار سكسك مع حمار	الوارث
البرادعى وقسمت الحمير نصين نص طفش على ناحية أم	
رتيب و الثاني راح على بيت عرعر وجيبت لنا الكلام ..	
نسيت يا سيدى .	
" يدخل هرهر ممسكا فى يده حمار تظهر منه رأسه فقط	هرهر
فيتركه على باب الوكالة " السلام عليكم يا غنم	فلحس
و عليكم السلام ورحمة الله (جميع من فى الوكالة ينتبه له	
تماما بما فيهم فؤاد الذى يلح حماره واقفا على الباب فيهب	
ممسكا به و هو يقبله "	
حمارى حمدلى ع السلامة يا شيخ ... دا أنا كنت زى اللى	فؤاد
ميت له ميت وصحى م القبر	هرهر
يا سلام الحمار عندك أهم من اللى جايب الحمار	فؤاد
العفو يا شاهيندر التجار العوز شين	هرهر
تدفع ١٠٠ ريال حلاوة رجوعه و إلا أبيعه لفلحس	فؤاد
" يضحك بغيظ " و النبى أنا لو معايا عشرين ريال كنت	
أشتريت واحد غيره وروح بيه ميه بتقول ميه .. ليه ؟ دا	
الجمل مايجييش ميه ريال حيلك حيلك	هرهر
كده	

أيوه كده	فؤاد
إشتريه يا فلحس	هرهر
" ينادى (يا فلحس .. يا معلم فلحس يا فلحس يا معلم فلحس	حمار (١)
(بضيق) مالك يا سيدى عايز أيه ؟	فلحس
أنا لسه صاحى م النوم وشوفت حلم عايز حد يفسر هولى	حمار (١)
هى الحمير بتحلم ولا إيه يا فلحس ؟	هرهر
بتحلم و بتحس و تتألم هى مش بتجوع و تعطش برضه	عبد الوارث
سييه يا عبده خليه هو اللى يفسر الحلم	حمار (١)
إحكى يا سيدى	فلحس
شوفت خير اللهم أجعله خير وبعيد عن السامعين شجره حلوة	حمار (١)
جميلة خضره شجرة إيه منيش عارف	هرهر
ومن أمتى الحمير بتفهم ولا بتعرف نوع الشجر	عبد
" يحاول عبد الوارث أن يهم بالرد عليه فيقاطعه الحمار "	الوارث
بتقـ	حمار (١)
أسكت يا عبده .. " متوجها بحلمه الى هرهر " المهم لقيت	
فى الشجرة عنقود فيه سبع حبات خضرة دا ناحية اليمين	
و عنقود تانى يا سيدى ولا سيدك إلا أنا فيه سبع حبات سوده	
دا يبقى إيه ؟ ممكن تفسره يا هرهر .	هرهر
(فى نفسه) زى ما يكون الحمير حاسة باللى أنا بأعمله "	
مستدركا " أيوه يا سيدى أقدر أفسره الشجرة دى شجرة	
عمر ك و العنقود أبو سبع حبات خضره ده اللى فات من	
عمر ك أما العنقود و التانى فدا اللى جاى و هتشوف الذل فيه	
" ينهق فى شبه اعتراض على التفسير "	الحمار ٣/٢/١
" بإنفعال " بس يا سيدى اسكت أنت و هو خلاص	فلحس
مش قلت لك و أنت مش مصدقنى دخلته شوم هيلع فينا زى	حمار (٢)
ماهو مولع فى البنى آدمين .	
أنت أكيد جاى تبلغ المعلم فلحس إن العلف و التبن و البرسيم	حمار (٣)
سعره زاد الطاق عشره .	
" فى نفس " الطاق عشرة	مجموعة
	الرجال
أيوه الطاق عشره اللى معاه يتفضل ياخذ	هرهر
(مع بعضهم) و إحنا نموت	الحمير
موت .. أو حتى تولع شئ ما يخلصش.. طفطف بك صمم	هرهر
يقفلها لأجل ما عبد الوارث نخر ببيته	
(بتأثر) عبد الوارث شغال عندى و أنا صاحبها أكل بهيمة	فلحس
شئ يشغلكم دا أسمه تجبر	
(يضحك) روح و أتظلم ، وحسب الحاكم ما هيامرنى أنا	هرهر
راح أنفذ هى مدينة فى أيد الحاكم يأمر ينهى و اللى معارض	
سجن الدار موجود فيه يشرف " يستمر فى الضحك يخرج "	
(جميع الموجودين فى حالة حيرة حتى الحمير الثلاثة الذين	
يتخذون جانبا من ساحة العرض لتدبر أمرهم ماعدا فؤاد	
الذى يعبر عن فرحته بحماره وهو يغنى)	

مشى ونسى حمارى .. ياله يا صاحبي بينا نروح هندبرها
عندى الأرض أزرع قيراطين واحد ليك وواحد ليا أعمل آيه
حكم القوى ((يخرج))
آيه يا عبد الوارث أصل دا آيه ؟ عايز أفهم
سجنوا الداكر
دا جدع طيب عمره ما قدم أى إساءه لآيها حد
نفس كلامك قولته يا فلحس
وكان الرد
هاأخرب بيتك طفطف قالها و عرعر ساعده و حكم البت
ياخذها الخاين .
هر هر تانى !! .. الله فى عونك شغلنتى بسيطة نمع ندى
العلف الرايش كل ركوبه يلزمها صاحبها أما يا فجر تكونى
ضحية شئ ويكدر رب القدره لوحده هيقدر ... قولى يا عبده
هتعمل آيه ؟
بنتى عقدت عليها ع الداكر
شاطر شاطر
بس الحاشية ماتعرف دين
آيه هياخذوها ؟!
قول أسروها .. طول ما الداكر مرمى هناك فى سجن الدار
" يدخل الداكر عليهم فى الوكالة "
عمنا فلحس أبا عبد وارث آيه أحوالكم ؟
قلنا أنت .. مين يتخيل إنك تخرج .. طفطف مات ؟
(يضحك) عايش مرزى ربك قادر يا أخى يفرجها وأهو
فرجها خرجت وجيتلك بس أنا ها أمشى فجر حبيبتى ولازم
أخذها .
رايح فين طمن قلبى أفهم برضه
هاخرج بره مدينة الظلم وأشوف النور
يا أبنى وجودك هنا وسطينا
هيطاردونى .. و فجر ياخذها الخاين نفسه
خدها وفلسع قبل ما حد يجز حبالنا و تبقى مشانق أخرج
أخرج أمشى أتصرف هى مراتك و أسأل ربك
ربى وشايف ندعة ضى تبل شفايف أوسرسوب ندعة كتيرة
وأنت يا فجر دواكى النور أنا راح أمشى أبقى أديعلنا "
يخرج "

فؤاد

فلحس
عبد الوارث

فلحس
عبد الوارث

فلحس
عبد الوارث

فلحس

عبد الوارث

فلحس
عبد الوارث

فلحس

عبد
الوارث

الداكر

فلحس

الداكر

عبد الوارث

الداكر

فلحس

الداكر

عبد

الوارث

الداكر

" نتوافد على الوكالة أخبار من أفراد تدخل كل فترة زمنية لتزف

خبر تذمر الحمير "

(جالسا فى حالة زهول)

(ييكى فى صمت فراق أبنته)

فلحس

عبد الوارث

يا مرمر أى حمار فى السكة تقوله بكره نروح عند الحنفية .	حمار(١)
لأ خلىنا نقعد فى الوكالة أحسن الحاكم مشغل عيونه علينا يا	حمار(٢)
حم حم يا خويا .	
انا بأيد يـيـيى بأيد إيه و بانيل إيه هى ناقصة قيود .. أنا	حمار(٣)
موافق على رأى مرمر	
مادومت موافق تنقوا أغلبيه يا حرر يا أخويا و أنا موافق	حمار(١)
نفضل فى الوكالة أما تشوف آخرتها إيه .	
" ينتبه فيدخل فى الحوار " إيه اللي ناويين عليه يا حميرى يا	فلحس
غاليه	
هنعترض على غلاء العلف	حمار(٢)
على غلاء العلف أشمعنى أنتم !!؟	فلحس
أهى أشمعنى ديه هى اللي مخلياكم زى الهاموش لا لكم حس	حمار(٣)
ولا بيطلع منكم صوت حتى الداكر طفش منكم .. أنا هأسالك	
سؤال .. أنت بتاكل علف تبين وكسب و برسيم وفول ودره	
طبعاً لأ .. احنا بقى بناكل و لقمتنا هى الشئ الوحيد اللي	حمار(١)
باقى بعد ما ضيعتوا كرامتنا بشئ .. هس .. حا .. يس	
و ضرب و إهانة .. لغاية أمتى ؟! أحنا هنمسك مرة الحكم	
و هنديكوا مثل فى العدل .	
(يقطعه) حمير الغيطان أضربت عن العمل	" صوت "
طبعاً عمرك ما شوفت العدل ولا حسيته .. إزاي يا حسر	حمار(٢)
أحنا هنسجن كل الظلمة من طفطف لعرعر لسنكر	
(يقطعه) حمير الوسايا هتهجم فى نهقة	"صوت "
ونفرش حصيرة تلم الفقير و لقمة يغامس فيها الشقا	حمار(١)
عل كل حال الحكاية حكايتنا نشوف بعيننا و نعمل طلبنا ، يا	حمار(٢)
معلم فلحس .. فاكرك زعزع ..	
أيوه أنا فاكرك و لسانى قايل عنه حكاية	فلحس
دا غلبان كان زهقان و طلع زهقه على غلبان قام راح ميت	حمار(٣)
حاجة غريبة أنتم جان و لا أحنا ضربنا ... عقلنا خاب من	فلحس
كثر ما صابنا ومن مصايينا	
لأ يا معلم ماهو الظلم بيدوس فيكم ، مين قام صده ؟! كله	حمار(١)
يكسر مقداك كله اللي بنكته واللى يخوف واللى بيمشى جنب	
الحيط .	
(يقطعه) الجحوش طالعة ورانا بحنجله عشان ماتحى	صوت
ظهورنا من الخلا وجلا جلا .	
قُصِر الكلام يا عم فلحس يا حبيب من قد إيه و أنت معاهد	حمار(٢)
صدقنا مش بالكلام بس العمل(يوحه حديثه الى عبد الوارث)	
الليلة روح يا عبد الوارث وبلغ طفطف أن الحمير عامله	

ثوره يا يرجع فى كلامه و السعر يفضل على قديمه يا أما
هنمسك حكم المدينة ونعدمه .
(عبد الوارث لا ينتبه وفى حالة بكاء و ألم)
فوق يا عبد الوارث وروح لطفطف قوله أننا جايين
صحيح الكلام ده " ينتبه الى كلام الحمار فيعيد الجملة)
صحيح الكلام ده !؟
أيوه صحيح
قولى يا عم فلحس الحكاية إيه ؟
روح يا عبده بلغ طفطف و عرعر إن الأمر فى إيد الحمير
هى هتحكم لأجل ما نرفع ظلم البربر أقصد شر البنى آدمين

حمار (١)
عبد
الوارث
حمار (٣)
عبد الوارث
فلحس

﴿أغنية نهاية المشهد الثاني﴾

حدش قالى على اللى أتعلق
زى دببجه فى سجن الدار
ولا الحامى أصله حرامى
طالع نازل قول منشار
و الجعانيين فى أنبين و سكون
جوفهم هادى راضى مكنون
عمر ك شوفت حمار يوم تار
قولى وفسر قولى وفسر

المشهد الثالث

حكم علينا و حكم جور	الراوى
طب قوم يا واد ودى السحور	الراوية
يمكن تحصل فجرنا	الراوى
أو يوم تشد فى سكه نور	الراوية
مالك ونايم مختشى	الراوى
دا حمير قالتها وشففتشى	الراوية
وبعض يجمع بعضشى	الراوى
والهبة تغلب أى دور	الراوية
فيه إيه معطل ضحكك	الراوى
غير أيد بتجرح دمعتك	الراوية
وتحط راسك فى الماجور	الراوى
تايه و غرقان أو ضبش	الراوية
الحلم ليه فينا أنتكش	الراوى
صحصح هيهرب كل زور	الراوية
علشان تفارق رقدتك	الراوى
خد منى مره ندهتك	الراوية
و أدبنى عزمك ياله ثور	الراوى
سبقتنا فى الدنيا القروء	الراوية
و إحنا اللي تايهين فى الحدود	الراوى
أرفع فى أبريق فى الوضوء	الراوية
طهر فى روحك من فاروق	الراوى
مليون فاروق خربوا الماتور	الراوية
و أركع لفجر بينطلق	الراوى
شایل فى جوفه ألف نور	الراوية
و أركع لفجر بينطلق شایل فى جوفه ألف نور	الراوى / الراوية

ينتقل المشهد الى قاعة الحكم حيث طفطف و عرعر و هرهر و هم يتبادلون الحديث و الضحك فى أمور

الرعية

(يضحك) لكن يا عرعر أنت خلاص راحت عليك	طفطف
المفروض إنك ماتفكرش فى الحريم أنت بقيت بركه	
(يضحك) يا طفطف بك الدهن لسه فى العتاقى و كل بنت	عرعر
أتجوزها بتعيط فى اليوم اللي بأطلقها فيه	
(يضحك) أنت عارف هى بتعيط ليه يا عرعر يا أخويا	هرهر
ليه يا هرهر	عرعر
علشان مش هتلاقى حد بعدك تضحك عليه (الثلاثة	هرهر
يضحكون)	
(وهو مستمر فى الضحك) عارف هو بيحرمها من حكاوى	طفطف
الحواديت اللي بتسمعا قبل ما تنام و المغامرات الكدابة اللي	

بيعلن عنها لكل زوجاته .	هر هر
أسطوانات مشروخه يا جناب الحاكم	طفطف
صحيح يا هر هر أتجوزت فجر ما قتلش يعنى	هر هر
ماحييتش أعر مزاج جنابك	طفطف
ليه حصل حاجة ؟ ... ولا طمعت فى البنت لواحدك	هر هر
أنا أ	طفطف
(يقاطعه) انا اللى سجنت الداكر علشان أخليك الجو	عر عر
ما أنا قلت لك يا هر هر من يومها إنك لازم تقوله	طفطف
((يقف وهو فى حالة قلق و انفعال)) أنتم مخبين عنى إيه ؟	هر هر
(يتجه إليه) أبداً و الله البنت هربت بس	طفطف
إزاي و سنكر قاعد بيعمل إيه فى البلد (يصرخ) فهمونى	عر عر
سنكر هَرَبَ الداكر بأوامر من مراته سكر هانم	طفطف
بلا هانم بلا زفت ياما نصحته يسيبها .. أنا مش عارف هو	
بيحب فيها إيه .. ضعيف دايما قدامها	هر هر
(يطيب خاطره) متزعش نفسك أنت بس فى أجمل منها	
بكره لا لأ الليلة دى تكون عندك .	
(يدخل مدبولى و أم خليل وعبد الوارث واحدا تلو الآخر)	مدبولى
يا جناب الحاكم ... يا جناب الحاكم ... البلد مقلوبه	
يا جناب الحاكم (يخرج)	أم خليل
هو فين ... هو فين .. هر هر اللى قلب الحمير علينا كل حمار	
فى البلد فك قيده وكل المتاود خالية من العلف عشان الناس	
مش قادرين .. زود الطاق طاقين .. مبلوعة ، ثلاثة نعلها	
غصب عننا إنما الطاق عشرة يرضى مين دا يا جناب الحاكم	
" تخرج "	طفطف
البلد مقلوبه وكل حمار فك قيده وكل المتاود خاوية ..	
معناه إيه الكلام دا يا هر هر	هر هر
مش جنابك قلت نغلى العلف و التبن	طفطف
أه أنا اللى قلت وزى ما الست بتقول الطاق أنتين مش عشرة	
، وعشان عبد الوارث يتخرب بيته	عبد الوارث
(يدخل) ظناً منك إن الوكاله بتاعتى مش كده	طفطف
(يمسكه بعنف) أيوه بتاعتك .. فين فجر ؟	عبد
(يفك قبضته) فجر ما تاهت بقيت ضلمه و أنت و هر هر	الوارث
سر خرابها .. الوكاله بتاعة فلحس و أنا حَمَار شغلتي	
أصبغ كل حمار يدخلها برجله لا و يترقم بس فى آخر اليوم	
بيروّح .	طفطف
(يبحث عن أم خليل) أنتى فين يا وش النكد .. بتضللىنى	
بالكلام و توقيعينى فى قلب فخ أجيبك منين يا بوز الإخص	عبد
هى بطانتك بطانة خير قفلوا الدايره عليك عاجبينك ، و الناس	الوارث
مر فى مر بتشرب .. إيه راح أقولك هى رسالة قالها حمار	
و شايلها حمار بالنيابة عن الحمير قولك إيه ؟	

طفطف	عرعر ألحق فسر
عبد الوارث	ما أدتنيش الأذن أقول
عرعر	قول إتفضل
عبد	إنت الحاكم و لأجل الأمن ما يفضل حاكم
الوارث	تحبس هرهر
طفطف	أحبس هرهر !!
عبد الوارث	هي رسالة انا بانقلها مش من عندي لو من عندي نفسي في
	أكثر
عرعر	كمل كمل
عبد	يرجع سعر التبن ما كان .. يعنى الوقة بنص فرنك أما الكسبه
الوارث	تبقى بريزه تفضل حاكم على مدينتنا
طفطف	يا أما
عبد الوارث	كل حمير الناحية هتحكم و انت وبس اللي هيتكلم
مدبولي	(يدخل وهو في حالة هلع ورعب) يا جناب الحاكم ألحق
	سنكر وأم خليل وقعوا في أديهم وطرد حمير جاى على
	ناحيتنا
عرعر	(بخوف و توتر) وسكر هانم
أم رتيب	تابت و الله من يوم ما الداكر علمها
طفطف	إيه الحل .. دبروني إيه الرد ؟
هرهر	التسعيرة ونرجع فيها شئ مش ممكن ده إحنا في يوم وكسبنا
	ألف أمال شهر هنكسب كام ؟
عرعر	همك بس على اللي في جيبك و المدينة تتحرق و تولع
طفطف	(يتجه بكلام الى طفطف) تلغى تسعيرة العلف
بربره	و أنفذ كلام الحمير (تدخل بربره بكوب ماء)
طفطف	مش بدل ما تتخرب الدنيا
بربره	أنتي إيه اللي دخلك في الكلام مين عطاكي الأذن
طفطف	" بألم وحسره و غيظ " الجوع اللي قرص على بطني
بربره	و النفس اللي طالع مولع من جوفى من قلة الحيلة
عرعر	طب دولا حمير
بربره	(تقاطعه) وأنا أحمر منهم عرضنا إنتهكتوه دمنا و مصتوه
	و حبستم كل شريف غلبان ... السيد فيكوا الواطى و تعلم
	في الخاييين .
طفطف	مسكينه (يضحك)
بربره	أنتم مساكين مش بنى آدمين و الخلوه ما بينكم ناقصة أوعى
	تخلينى يا بك أتفش .. ألغى التسعيره .
عبد	" يتجه ناحية الباب " الرد يا طفطف بك أطفى النار و إلا
الوارث	أولعها .
طفطف	" بتعالى الواثق من نفسه " مش ها ألغى التسعيرة واللى مش
	عاجبه يضرب راسه في الحيط .
عبد	شكرا باشا حاجة عظيمه أنا و هاودى الرد التو و اى كلام دا
الوارث	شئ مش عندي سلام " يخرج "

مدبولى	خربت مالطه
بربره	ماهى خربانة طول ما ودان الناس مطروشه و الإحساس مفقود مافى فايده .. " تحدث طفطف " شبيه عرعر همه القاعدة قبل ما تصحى فوق الكرسي
طفطف	كرسى أيها كرسى
بربره	كرسى الحكم .. حلمه الأعظم إنك تغرق ولا سى هرهر
مدبولى	هرّب كل فلوسه المكسب و أما تحاسبه يقول فيه خساره كنا زمان البيضة بميلم وشوب اللين الصافى بلاش الأحساس
بربره	منا لبعضينا كان بيخفف قهر الفقر
هرهر	أمن دولا قلبوا كيانك خلوك تعصى الرب يا طفطف
طفطف "	" بإنفعال وحده " طفطف حاف .. البكويه درجة حاكم ينهره " تخرس خالص .. قولى يا بربر
بربره	" بحنين " ياه بربر فاكّر عمر كبير و إنت ناسيها من يوم شر الناس ما أتصاحب ع الوسواس غسلم قلبك م الحنيه و بقيت قاسى عليك و عليه ورضيت جنبك أعيش خدامه و إنت بتعلا بتعلا بتعلا و قبرك صار مفحوت " تخرج "
طفطف	" بتأثر " رجعتيني لعقلى يا شيخة بس الأمر خرج من إيدي إيه راح اعمل لو قتلونى .
	(يبدأ هرهر وعرعر فى الخروج منسحبين للفرار فيلمحهم)
مدبولى	رايح فين يا هرهر واخذ عرعر من غير إذن باعوا البيعة يشدوا رحال و أنت البخت معاك أهو مال دى آخرتها .
طفطف	(بحزم) مدبولى إسكت و حياة أبوك انا مش ناقص سيبنى فى خيبتى " يتجه بحديثه الى هرهر و عرعر و يخرج مدبولى " مش برضه أنت شريك فى الخيبه ولا هاشيلها لوحدى يا عرعر (عرعر يحنى راسه) و أنت يا هرهر ساكت ليه صوتك راح ما أنت سنين فى العز براح ..
هرهر	أنا مش ...
طفطف	(يقاطعه) مش فى الفورمه أصفر وشك و أزرق عضمك أما الباقي فخبث شيطان .. من يومك و أنت طماع ألف ريال و عمّلتك بيهم ... تملك إيه ؟
هرهر	ولا ألف ريال جيبى منفض على أحلامك
طفطف	على أحلامى
هرهر	(يلحقه) آه ونزواتى لكن شيخ المنسر عرعر لامم الريع أنسان فظيع
عرعر	كله فى جيبه كل فى جيبه .. أنا شغال مع أسطى حرامى سرق الحكم فى ليله ثقيله و فضل حاكم (يدخل) يا طفطف بك .
مدبولى	جى إيه مالك ؟
طفطف	عبد الوارث جاى برسالة شديدة اللهجة
مدبولى	إيه قالها لك ؟
طفطف	

أبدأ و الله دا الإحساس .. أخليه يدخل هاته نشوفه	مدبولي طفطف
" يدخل عبد الوارث و حمار خلفه و عريضة كبيره " إيه ده كله ؟ عبد الوارث جاى و حمار وياه و عريضه مرمر قائد رد الفعل على التسعيره	عبد الوارث هر هر عبد الوارث الحمار طفطف الحمار
حاجة كبيره أسكت انت ما تتكلمش	طفطف الحمار
و أنت خصوصاً لأحسن أول رقبه تطير حيلك .. حيلك أنت نسيت نفسك يا حمار لأ و الله ما هأز عل منك ولا راح أثور أنا جايلك علشان أنا عارفك ..	طفطف الحمار
أنت عارفنى .. عارفنى .. صحاب ياما الليل كان برد و قارس وأنت معايا .. كنت أقولك وفر على وجيب حطبايه عشان تدفى . (طفطف يحاول أن يتذكر) و ياما كتير كنت تكلمنى عن أحلامك عدل ونور بس خساره وقعت رجلك فى المحذور و بقيت ظالم .	طفطف الحمار طفطف عبد الوارث الحمار الأغنية
أيوه عرفتك إياك مرمز " يضرب كفا بكف " أيوه انا مرمز و أسمع بقى آخر إنذار عشت وشوفت يا طفطف الحمار بيقول إنذار أسمع بس يا طفطف بك ما تضيعش الوقت فى عرضك قول يا مرمز من هوجة الحمير لطفطف الحاكم (يتم غناء هذه الأغنية) الأرض دواره و الدنيا غداره و العيشة خناقة من سلعة حراقة هى العلف والتبن بلاش تمرمنا فى الطين كده لداغنا ما تحس اوجاعنا و بلاش بلاده وجبن متاودنا خاوية العيش و الدمس حتى مفيش و الجوع نتف فى الريش و علينا غطى الحزن رخص بقى الأسعار و أرحم حمير يا حمار راح تنجى من الأخطار سيبك بقى م الكهن (يستكمل الحمار إنذاره) .. و لمكا تركب دماغك و تفضل على رأيك .. أحنا الحمير هنقوم عليك و ساعتها مش هنخلى فيك ولا ليك أى اعتبار .. خلص الأنذار و الرد حالا . " فى غيظ شديد " أخرتها يا طفطف بقينا رهاين عند الحمير قوم شد قلعك للهروب " يضحك " يهرب من إيه دى حكاية هزار .. وحمار وحمار قاعدين نتسلى بحكاويهم .. مزعور من إيه	طفطف الحمار طفطف عبد الوارث الحمار الأغنية عرعر هر هر

و بعد الهزار السخيف و المرار بقينا رهاين فى ظل الحمار اللى واقف قبالي " الحمار ينهق من الضحك " و مستنى منى القرار الأخير و أنا مش موافق هتفضل الأسعار هى الأسعار و أنا قد الأخطار .	طفطف
ضرك عيبك إيه المانع تبقى لناسك تشعر بيهم تاخذ حتى مبادره فريده و تبقى حكيم سعر الغلة طالع والع سعر الرده حاجة عجيبه تبين و دمس وكزب و بقمه إيه كام ألف ؟!! " بجشع " الألف كتير	عبد الوارث
ناسى فى يوم كنت أنت فقير سنك كام عمرك راح أنت الجانى خلاص على نفسك أسمعنى آخر ما أتوصلت إليه .. أنت اللحظة بقيت محكوم و الأشرار دول راح يتحبسوا بربره فين " تدخل مسرعه " أيوه يا مرمز فين مدبولى " يدخل " موجود فعلا شايفين طفطف	طفطف الحمار
قُطعت سيرته .. شئ متخلف أصله خسيس وبان على فعله فعلا فعلا .. أصلك فعلك .. إيه يا مدبولى ها تقول حاجة	طفطف الحمار
أرحموا ضعف عزيز و إنزل .. شيطانه غواه طب ليه هو مافكرش يعمل فيك كده ، دا أنت اللى أكلته ياديك لما أنعدم ... و أنت اللى حطيته فى عنيك يوم ما انظلم و أنا اللى شاهد .. بطل كلام فى الرحمة ما تهدش قوانا . و أنت يا أخويا ناسى ليه أيام صبايا أخدم و يكنز فى الفلوس و ألقاه بيعشق من ورايا حكم الكلام و مفيش رجوع . و مفيش رجوع " يحدث عبد الوارث " عم عبد الوارث نعم يا مرمز	بربره عبد الوارث الحمار
روح دور على فجر ويوم ما هتلقى الداكر هاته حاضر يا أمير " يخرج "	عبد الوارث
أنا شايف إن الناس ديه تروح ع السجن و ساعتها راح يبقى لنا كلام .	الحمار

﴿ أغنية نهاية المشهد الثالث ﴾

من بعد طول الانتظار
حاكمنا قال يصبح حمار
بايخه يا دنيا بدون حمير
و الرفس دا أول قرار

مرعوب وخايف م البقر
لأحسن جاموسة تكون غفر
وتدوس بأيدها م الزناد
تبدأ حميرنا فى الانتشار

نهق و عبش وسط الجحوش
الأزمة عملتها الجيوش
وبنت حمير هزت عروش
والظلمه غلمست النهار

﴿ المشهد الرابع ﴾

" يدخل الرواه وهم فى وضع الحمير ينهقون "

هشن هشيش
التبن خلص ما تلقيش
لما البدن يكثر عليك و اللقمة ذاتها تحكمك
تبقي الحمار
عيب إن تعيبى فى الأمير
العيب يا مؤمن نقلبه و إحنا اللي كرمنا الإله
العقل تاه و الشك محطوط مطرحه
فيه إيه يا راجل
حية مناجل و الألم مفروز فى طين
أسكت عشان ها أضحكك على مجلس الحكم الجديد
قول أبتدى
كان عند كتاب سيدى واقف حمار غلبان بيشط
أظن دا كان م التعب
لأ يا حبيبي دا م الغضب مش عاجبة قال الإفترا
كرباج ورا وحاجات حقيقي مسخره

الراوى
الراوية
الراوى
الراوية
الراوى
الراوية
الراوى
الراوية
الراوى
الراوية
الراوى
الراوية
الراوى
الراوية

على نفسنا على عمرنا اللي أتهرى	الراوية
من كتر خوفى وخوف أبويا وخوف رشق	الراوى
فى الحلم دبل وردنا	الراوية
إيه اللي باقى ع الحمير أو م الحمير	الراوى
غير بس تقرير المصير و المملكة	الراوية
متفكره على قدهم وماهيش لنا	الراوى
لنا أولهم نزلنا عض فى بعضنا	الراوية
لا رفس داير من سنين و حمار أمير و حمار وزير و حمار	الراوى
وسايق ميت حمار و الخوف علينا فى الانتظار نصبح حمير	

"ومازال المنظر فى قاعة الحكم خالية من طفطف و عرعر و هرهر وموجود مع الحمار بربره و مدبولى ، يدخل عبد الوارث

ومعه فجر و الداكر "

خش يا داکر مرمر قاعد مستنيك (تخل فجر و الداكر)	عبد
سلم على مدبولى يا داکر وأنتى يا فجر خالتك بربرة ياما	الوارث
شالتك على رجليها و إنتى صغار .	
أهلا أهلا بالأحباب	الحمار
أنت يا مرمر اللي عملت القلبه دا هيه	داكر
لأ ومعايا حم حم و حرحر ياما داويت الجرح يا داکر	الحمار
لساك فاکر يوم ما قعدت تعيط جامد .. وأنا باتمشى أشوف إيه	فجر
مالك قومت سألتك	
فاكر يومها كوانى طفطف بالسكينة علشان كنت البرسيم كله	الحمار
.. طول عمره مجوعنا كاوينا	
ناوى على إيه أنت وجماعتك	الداكر
قله يا عبد الوارث مين باعتك	الحمار
قالى وعارف بس أنا شايف إن الحكم فى إيدك أنت ، و أحنا	داكر
يادوب هنعيش فى الطاعة	
لأ يا جماعة انا وحمير الناحية بحالها كوانا الظلم جوع و شقا	الحمار
و ضرب إهانة وكمان حبس	
وصلت بيكوا لحد الحبس	داكر
فاكر فجر فى يوم ما أتخطفت مين جرى جابها	الحمار
أم رتيب	داكر
صح يا داکر أنت مذاكر بس حمارنا الغالى معاها رفس فيهم	فجر
عض ونهق لمن خافو جربوا سابونى فوقة رجعت و أم	
رتيب مشيت مشى	
أحنا حمير بنسد براسنا فى أيها شغل ولا نغليش ولا نتعيش	الحمار
أنما ضربه أو تكشيريه تهد قوانا	
ما انا عارف إنك بتحس	داكر
أيوه نسيت ما أنت بيطار	الحمار
لأ عطار شال فى جيوبه روايح الجنة جوه ضلوعه عشق	فجر
مدينة قاسية علينا فى يوم طردتنا وجوه عنينا شيلنا العهد	
فجر خلاص وحياتك	داكر

لا يا ذاكر أنا ها تكلم ... سيبني أفضفض لأجل ما تطلع فجر
 جديده وناسيه عذابها
 بنتى جرالها إيه فى الغربية
 لما هربت من أعادينا روحنا بلاد وبلاد وبلاد توهنا وياما
 شربنا عذاب مره العسكر تخنق ذاكر ومره " تصرخ " لأ لا
 ضرب إهانة و أرجع تانى أخش مدينتى ألقانى تايهه فى نفس
 الغربية وكل راع الدنيا عليها " تحدث الحمار " وماتز علش
 ألقى حمار قاعد بحكمها دا زمن إيه
 سامحى يا بنتى صفى ضلوعك خلى القلب يعيش نوبه فايق
 إيه آخرتها يا عم الحاج تفضل راضى وجواك نار
 إيه يا حمار ساكت ليه ؟
 ساكت علشان حاجة غريبة أنا بأسمعها اتمنيت ما تكونش
 حقيقي .. لما حمار بيثور على حاكم دوا بيعنى إن الحاكم
 أحمر منه حتى الوصف داهوه حرام .. انا فكرت و نفعت
 ربنا برده مدينى عقل وباعرف أحس و باعرف أميز بين
 القلب و بين القلب انهى حمار مره ضرب واحد .. حد
 يجاوب .. حد يحدد ليه أجابه بلاش ديه .. زعزع نفسه لما
 كارانا مين بقى زيه .. عنده وكاله و عنده فلوس ماعدوش
 رحمه ضرب الفر حمار غلبان رفسه و عضه ومات أهو
 زعزع ومات الفر م الطهقان .
 أبسط شئ يا مرمر إنك أزاى تحكم الإنسان
 برضه ظالمنى ..
 حاشا لله م الظلم وناره متحرم على ذات الله
 تبقى الرحمة فى جدع زيك عارف ربه ويخاف منه
 (فى ثوره) لا ياداكرا إلا الحكم سيف متسلط على رقابينا
 وضى عنينا يشوف شئ واحد هو الحكم سدنه
 ومنافقين وجوارى قلبك الحبّوب هيضيع أنا و باحبك زى ما
 أنت بيطار .. عطار سارح فى الدنيا بروايحه مش جزار
 تقطع كل رقات الخلق لأ يا ذاكر
 ليه أنانيه عايزاه لوحذك
 خايفة يا أبويا عليه وع اللى فى بطنى عبد الوارث
 يا بنت الأيه ومخبيه
 حتى عليه شوفت يا عمى فجر حزينه
 لما يكون الحاكم منا حاسس بينا و نفضل جنبه ننور قلبه معاه
 و بصيرته ... إيه المانع ؟
 لا مش نافع هو ما يملكش الوشين مش راح يعجب .. طول
 عمره فى الحق ميزان ده إنسان .. مش حاكم ع الناس و
 الناحية
 قلبى معاكى " تتنهذ " فكرتيني بنفس اليوم بس الفرق ما بين
 ذاكر وطفطف أن الذاكر إنسان فعلا و اللى شافه هيخليه
 صاحر أما التانى انانى انانى .. ولع قلبى و حرق عمرى

فجر
 عبد الوارث
 فجر
 مدبولى
 ذاكر
 بربره
 الحمار
 ذاكر
 الحمار
 ذاكر
 الحمار
 فجر
 عبد الوارث
 فجر
 عبد الوارث
 ذاكر
 مدبولى
 فجر
 بربره

وخط عليه	
" بيكى متأثراً " فيه إيه يا عالم هو حرام نختار حاكمنا ..	الحمار
إحنا حمير المدينة اللي اتربط بيكم مصيرنا .. هتفكوا القيد "	
يهز رأسه و يتحول الى لهجة مختلفة " نحكمكوا بالنار	
و الحديد و عقاب جماعى انتم شعوب مش مؤمنه بالأختيار	
لأ لأ يا مرمز فيه إيه ما تعدل يا الحمار داكر حاكمنا و	عبد
الشمس راح تشرق معاه .	الوارث
فيه أعتراض	الحمار
فيه أعتراض	مدبولى
أنا باعترض	بربره
تعترض ليه و إنتى اللي شوفتى القهر كله يا بربره	مدبولى
أنا باعترض علشان ما فجر تحبنا و نحبها انا قلبى شايف	بربره
قلبيها هي يا ناس مطمئنه ؟! الخوف ممزج حلمها بين أبنها	
وولاد كتير ملوا البلد .. حد يشاركها فى المشاعر و الألم	
شكرا يا خاله بربره انا وحدى عارف حلمها عارف دموعها	داكر
و عندها .. قولى يا فجر وصدقى بان النهار ..	
على إيد حمار ... إزاي وهو منتشى بالشكل ده و فى لحظة	فجر
واحد هز ديله و جرننا لفخ أكبر م الألم .	
" تردد فى دهشة " لفخ أكبر م الألم	المجموعة
و إن كان على رأى انا معاك يا داكر ربنا	فجر
" تخرج وهي تبكى "	
" ينادى " فجر .. فجر	داكر
سيبها يا داكر هي راحت ع البيت ترتاح و الصباح رباح	عبد
وهي وافقت	الوارث
معاك يا داكر ربنا	داكر
قرار .. قرار .. (المجموعة تنتبه إليه) داكر أصبح حاكم و	الحمار
المستشار برابر صوت حلو بحق قادر مدبولى بقى الوزير	
راح يرحم فى الحمير و أنت يا عبده يا حبيبي راح تفضل	
كده حمار .. فين فلحس غايب ليه ياله بينا على الوكالة	
و هناك ننظم صفوفنا من جديد لو داكر فكر يظلم هنقوله	

” الحمير قادمون ”

توته مش توته	الراوى
مش هي دى الحدوته	الراوية
الحدوته ملاها الخوف سكنت بيتها	الراوى
حرف فى حرف تعد حروف قهر كابتها	الراوية
و المسكينه فيه إيد عرتها	الراوى
كشفت عنها سنين الغربة	الراوية
سنين الهجرة سنين الموت	الراوى
داكر فرد من الملكوت له شهواته	الراوية

الراوي
الراوي
الراوي
الراوي

له نزواته وفجر تغيب
الكرسى دا ملهش حبيب ولا له أصل
الدائره ع الكل تدور وهو الدور
الدائره ع الكل تدور وهو الدور لما يكون بالأختيار نقدر
نغير بالأراداه و القرار

﴿أغنية نهاية المشهد الرابع﴾

هتبقى حكومة	بكره القوما
يسرق أكثر	و اللي بيمالك
مص شفايف	طول ما الشايف
بيصبح عنتر	طول ما البغل
الطاغى بينفر	طول ما الجحش
بقى شيخ منسر	نفره قويه
الارض غابت فى الشقوق	فوق يابنى فوق
الفجر أصبح معضله	و الحلم شايف فى العروق
علشان تجيبه و تحضنه	قوم يــــا ولا
و الجهد بطل تخزنه	أعرق أو اتعب هتلاقيه
من بين نيبان الغول	بالزند بس تجر فيه
و أصحى يضيع الزور	و أصحى يضيع الزور

تمت بحمد الله

(أحمد أبو سمره)
فى الأربعاء ٢٩/٣/٢٠٠٦